

**ՈՉ ԻՄԱՑՅԱԼ ՄԱՀԸ ՄԱՀ Է, ԻՄԱՑՅԱԼ ՄԱՀՆ՝ ԱՆՄԱՀՈՒԹՅՈՒՆ.ԱՅՍՕՐ 44-ՕՐՅԱ ՊԱՏԵՐԱԶՄՈՒՄ
ՆԱՀԱՏԱԿՎԱԾ ՀՐԱՉԻԿ ԱՎԵՏԻՍՅԱՆԻ ԾՆՆԴՅԱՆ ՕՐՆ Է**

17.10.2022 19:46



Այսօր՝ հոկտեմբերի 17-ին, Արցախյան 44-օրյա պատերազմում զոհված Հրաչիկ Ավետիսյանի ծննդյան օրն է: Հրաչիկը՝ փաստաբան Մաի Հակոբյանի որդին է:

Հրաչիկ Ավետիսյանի հիշատակը հարգելու նպատակով ՀՀ փաստաբանների պալատի և ՀՀ փաստաբանական դպրոցի ներկայացուցիչներն այցելեցին Եռաբլուր զինվորական պանթեոն:

Կիսելով իրենց գործընկերոջ վիշտը՝ փաստաբանական համայնքի ներկայացուցիչները խնկարկեցին և ծաղիկներ խոնարհեցին Հրաչիկի շիրիմին:

Նշենք, որ Հրաչիկ Ավետիսյանը հերոսաբար կռվել է Մատաղիսի ամենավտանգավոր դիրքերի խաչմերուկում, զոհվել՝ 2020թ. հոկտեմբերի 6-ին «ԱԹՍ»-ի հարվածից: Հայրենիքի համար նրա՝ անձնուրաց զինվոր լինելու մասին է վկայում նաև ծառայությունը մինչև պատերազմի սկսվելը: Հրաչիկը մինչ կյանքը հայրենիքին նվիրելը, գերազանց ծառայության արդյունքում պարգևատրվել էր «Քաջարի մարտիկ» կրծքանշանով:

Փաստաբանական համայնքի ներկայացուցիչները ծաղիկներ խոնարհեցին նաև իրենց մյուս գործընկերոջ՝ փաստաբան Խաչիկ Դանիելյանի՝ պատերազմում զոհված որդու Միքայել Դանիելյանի և այլ հերոսների շիրիմներին:

Փաստաբանների պալատն իր պարտքն է համարում մշտապես լինել գործընկերների կողքին և Փաստաբանների պալատի նախաձեռնության համաձայն ամեն տարի փաստաբանական համայնքն իր հարգանքի տուրքն է մատուցելու մեր հերոսների ընտանիքներին:







```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```